

Uslovi da bi djelo bilo dobro i primljeno kod Allaha

[Bosanski – Bosnian – بوسني]

Muhammed Salih el-Munedždžid

Prijevod:

Mirza Musić

Revizija:

Ersan Grahovac

2014 - 1435

IslamHouse.com

﴿متى يقبل الله عمل العبد؟ وما هي
الشروط في العمل كي يكون صالحاً
مقبولاً عند الله؟﴾

« باللغة البوسنية »

محمد صالح المنجد

ترجمة: مرزا مستش

مراجعة: أرسان غراهوفاتس

2014 - 1435

IslamHouse.com

Uslovi da bi djelo bilo dobro i primljeno kod Allaha

Pitanje:

Kada Allah prima djelo roba? I koji su to uslovi koje treba ispuniti da bi djelo bilo dobro, i prihvaćeno kod Allaha?

Odgovor:

Zahvala pripada Allahu;

A zatim:

Zaista se djelo neće smatrati ibadetom¹ osim ako pri sebi ne upotpuni dvije stvari, a to su:

Potpuna ljubav, uz potpunu poniznost.

Uzvišeni Allah je rekao: *A pravi vjernici još više vole Allaha.*²

I rekao je Uzvišeni: *Oni su se trudili da što više dobra učine i molili su Nam³ se u nadi i strahu, i bili su prema nama ponizni.*⁴

¹ *Ibadet* je : Sveopći naziv za sve ono što Uzvišeni Allah voli i sa čime je zadovoljan, od riječi i djela, javnih i tajnih. (op. prev.)

² Sura el-Bekara, 165.

³ Uzvišeni Allah u Kur'anu na nekim mjestima o Sebi govori u množini, što je stilom u arapskom jeziku koji se koristi kada se želi ukazati na veličinu i uzvišenost onoga o kome se govori. (op. prev.)

Ako smo shvatili ovu stvar, onda treba znati da ibadet neće biti prihvaćen osim od muslimana koji je muvehhid,⁵ kao što Uzvišeni kaže u vezi nevjernika:

I Mi ćemo pristupiti djelima njihovim koja su učinili, pa ih u prah i pepeo pretvoriti.⁶

U Muslimovoj zbirci vjerodostojnih hadisa se prenosi od Āiše, Allah bio njome zadovoljan, da je rekla: „**Rekla sam: 'O Allahov poslaniče, Ibn Džudan je u džahilijetu⁷ održavao rodbinske veze i hranio bi miskine,⁸ pa da li će mu to biti od koristi?'**“

Pa je rekao: „**Neće mu koristiti, jer nikada nije rekao: 'Gospodaru oprosti mi grijeha na Sudnjemu danu.'**“⁹

Dakle, nije bio od onih koji su vjerovali u proživljenje, niti je radio nadajući se da će sresti Allaha.

Zatim, muslimanu neće biti primljen ibadet osim ako ispuni dva glavna uslova:

- 1- Iskren nijet Uzvišenom Allahu: Tim se podrazumijeva da rob želi svojim cjelokupnim

⁴ Sura el-Enbija, 90.

⁵ *Muwehhid* je onaj koji vjeruje u Allahovu jednoću i samo Njemu ibadet čini. (op. prev.)

⁶ Sura el-Furkan, 23.

⁷ *Dzahilijet* je period prije dolaska Poslanika, neka je na njega Allahov salavat i selam, sa objavom od Uzvišenog Allaha. (op. prev.)

⁸ Tj. siromahe. (op. prev.)

⁹ Sahih Muslim, 1/136.

govorom i djelima, bila javna ili tajna, samo lice Uzvišenog Allaha,¹⁰ bez da u tome ima udjela iko drugi.

- 2- Usklađenost sa Šerijatom, s kojim nam je Uzvišeni Allah jedino naredio da mu robujemo, a to se postiže slijedeći Vjerovjesnika, neka je na njega Allahov salavat i selam, u onome s čim je došao. Zatim, ostavljanjem razilaženja s njim, kao i ne uvođenja nekog novog ibadeta ili novog načina praktikovanja ibadeta, koji se ne prenosi od njega, neka je na njega salavat i selam.¹¹

Dokaz za navedena dva uslova jesu riječi Uzvišenog: ***Ko se bude nadao susretu s Allahom, neka čini dobra djela i neka, robujući Gospodaru svome, Njemu nikoga ne pridružuje!***¹²

Ibn Kesir, Allah mu se smilovao, rekao je: „***Ko se bude nadao susretu s Allahom***, tj. Njegovoj nagradi i lijepoj nadoknadi, ***neka čini dobra djela***, tj. ono što je u skladu sa Allahovim šerijatom, ***i neka, robujući Gospodaru svome, Njemu nikoga ne pridružuje!***, a to je

¹⁰ Tj. da želi postići Njegovo zadovoljstvo. (op. prev.)

¹¹ Jer bi to uvođenje bilo novotarija u vjeri, bez obzira radilo se o novom djelu ili novom načinu obavljanja ibadeta koji je već došao u šerijatu. (op. prev.)

¹² Sura el-Kehf, 110.

ono s čim se želi Allahovo lice, nikoga mu ravnim ne smatrajući.“

Ovo su dva stuba djela, koje će biti prihvaćeno, mora biti iskreno Allaha radi i ispravno prema Šerijatu Allahova poslanika, neka je na njega Allahov salavat i selam.

Što insan ima više znanja o Allahu, Njegovim imenima i svojstvima, sve više je iskren, a što više poznaje svoga Vjerovjesnika, neka je na njega Allahov salavat i selam, sve više ga slijedi. A sa iskrenošću i slijedenjem rob postiže uspjeh na oba svijeta.

Od Allaha tražimo spas i uspjeh i na dunjaluku i na Ahiretu.

Šejh Muhammed Salih el-Munedžid.